

元始无量度人上品妙經卷之四十八

安鎮九壘土祿不祥品

道言昔於洞陽天中太微空歌晶華樂土受元始度人安鎮九壘土祿不祥妙品元始天尊當說是經周迴十過以召十方始當詣座天真大神上聖高尊妙行真人仙王土皇官屬僚佐地真主宰无鞅數眾乘空而來黃雲慶霄羽蓋琅璵彌覆九壘晃耀八冥流光錯落洞煥太空五日五夜諸天日月星宿璇璣玉衡一時停輪諸地海嶽洞穴谿壑碧華明徹風雲靜默天无浮翳地无伏祿一國地土林木原隰緬平一等无復高下土皆作文玉雲霞炳煥无有異色眾真侍座元始天尊玄坐空浮九光

道藏輯要

度人妙經

三

九集三

金爛龍臺之上說經一徧大地土皇同時稱善俄傾五嶽靈宮化現真文說經二徧玄闕開通說經三徧醴泉湧出說經四徧山澤川源皆生祥瑞說經五徧地藏七寶流出人間說經六徧土祿鬼精捨邪歸正說經七徧禍害斷絕殃注消滅說經八徧北都羅酆九幽地獄一切罪魂並蒙原赦說經九徧鬼官主者咸進仙階說經十徧萬物遂性民无夭傷是時一國是男是女莫不傾心皆受護度咸得長生

道言是時元始天尊說經一徧東方無極无量品色潤壘仙王土皇神君无鞅之眾浮空而至說經二徧南方无極无量品剛色壘仙王土皇神君无鞅之眾浮空而至說經三徧西方无極

无量品石脂色壘仙王土皇神君无鞅之眾浮空而至說經四
徧北方无極无量品潤澤壘仙王土皇神君无鞅之眾浮空而
至說經五徧東北无極无量品金粟澤壘仙王土皇神君无鞅
之眾浮空而至說經六徧東南无極无量品金剛鐵澤壘仙王
土皇神君无鞅之眾浮空而至說經七徧西南无極无量品水
制澤壘仙王土皇神君无鞅之眾浮空而至說經八徧西北无
極无量品大風澤壘仙王土皇神君无鞅之眾浮空而至說經
九徧上方无極无量品崑崙閼風珠闕瑤池八極靈仙九宮地
真无鞅之眾浮空而至說經十徧下方无極无量品洞淵无色
混黃洞空綱維壘仙王土皇神君无鞅之眾浮空而至十徧周
道藏輯要

度人妙經

卷

亢集三
六六六

竟十方无極九壘土司仙王皇君一時同至一國男女傾心歸
仰來者有如密雪飛沙无鞅之眾迺國一半土皆徧陷非可禁
止於是元始俯視九壘冥漠淵眾三十六宮諸大土皇殿闕臺
觀冉冉上昇至天尊所元始卽以赤光火玉之拂輝映宮闕變
爲一珠初若彈丸三十六宮明徹可見元始再運神力揭此寶
珠大如黍米在空玄之中去地九丈元始登引表眞大神上聖
高尊妙行眞人十方无極至眞大神九壘仙王土皇神君无鞅
數眾俱入寶珠之中天人仰看惟見勃勃從珠口中入旣入珠
口不知所在國人廓散地還平正死復歆陷元始卽於寶珠之
內照見九壘土祇惡鬼形狀種種不祥出示靈文安鎮除滅利

益生民說經都竟眾真監度以授於我當此之時喜慶難言法
事粗悉諸天復位倏歟之間寂無遺響是時天人遇值經法普
得濟度全其本年无有中傷傾土歸仰咸居樂康不喜不怒不
憂不悲不病不惱不苦不勞不擾不驚言歸至理意合天真齊
同慈愛異骨成親國安民豐欣樂太平經始出教一國以道預
有至心宗奉禮敬皆得度世

道言元始天尊說經中所言並是九壘土皇內名隱韻之音亦
是仙王內諱百靈之隱名也非世之常辭上聖已成真人通玄
究微能悉其章誦之十過諸天遙唱萬帝設禮九壘明正土祆
束形謹守天勅不敢害人上帝律令速付天丁至學之士誦之

道藏輯要

度人妙經

三

九集三
八十一

十過則五土聽命三玄稽首邪精喪眼土魔滅爽濟度垂死絕
而得生所以爾者學士德化未充道未合真以制十方威未制
九宮德可伏御百祆束縛魔靈但卻死而已不能更生輕誦此
章身則被殃供養尊禮門戶興隆世世昌熾與善因緣萬災不
干神明護門斯經尊妙安鎮黃闕普掃不祥度人无量爲九地
之宗巍巍大範德難可勝

道言凡誦是經十過九壘三十六仙王土皇神君齊到除蕩土
祆刑犯地下害氣勅攝土公畏法護人億曾萬祖幽魂苦爽皆
卽受度上昇朱宮格皆九年受化更生得爲貴人而好學至經
功滿德就皆得神仙飛昇金闕遊宴玉京也上學之士修誦是

經中宮土德靈寶真人降浩元之氣流入身中皆即受度飛昇
南宮世人受誦則地司毀券不敢拘形償骨地官延壽長年後
皆得作尸解之道魂神暫滅不經地獄即得返形遊行太空此
經微妙普度無窮一切天人莫不受慶無量之福生死蒙惠上
天所寶不傳下世至士齋金寶效心盟天而傳輕泄漏慢殃沈
九壘長役土官侍經五帝玉童玉女各三十六人營衛神文保
護受經者身

道言正月長齋誦詠是經安鎮青赤土政辟除九壘一十二種
土殃注氣爲上世亡魂斷地逮役度上南宮七月長齋誦詠是
經安鎮白黃土司辟除九壘一十二種土殺刑氣身得神仙諸

道藏輯要

度人妙經

卷

九集三

天書名黃籙白簡削死上生十月長齋誦詠是經安鎮玄黑土
官辟除九壘一十二種土怪害氣爲國王帝主君臣父子安鎮
國祚保天長存世世不絕常爲人君安鎮其方民稱太平八節
之日誦詠是經八方福土併及一身得爲九宮真人本命之日
誦詠是經土官降福軒始延齡仙王護命命存黃庭真人飲兆
華池魂神澄正萬氣長存不經苦惱身有光明三界侍衛五帝
司迎萬神朝禮名書上天功滿德就飛昇上清

道言行道之日皆當香湯沐浴齋戒入室東向叩齒三十二
通上聞三十二天心拜三十二過閉目靜思身坐黃黑紫三
色雲氣之中內外翳冥有青龍白虎朱雀玄武獅子白鶴羅

列左右日月照明洞煥室內瓊生圓象光映十方如此分明
密呪曰

无上玄元太上道君召出臣身中三五功曹左右官使者侍香
玉童傳言玉女五帝直符直日香官各三十六人關啟所言今
日吉慶長齋清堂修行至經无量度人願所啟上徹徑御

无上三十二天元始上帝至尊几前畢

引炁三十二過東向誦經

道藏輯要

度人妙經

完

九集三
1118

元始无量度人上品妙經

元始洞玄靈寶本章安鎮九壘土祿不祥開闢妙品綿劫度人
正行遊梵升降自然混極九輪虛无至真玄元祖氣流結成形
風淵包絡妙運生根大法保鎮羣類化成碧林蒼池羅列玄靈
九光總統上帝玉文離合變立赤運開明太空輪轉飛範眞香
是爲冲妙玄中之玄鬱壘六交攝御崑山下纏風澤劫仞泉臺
茫茫大化晨浩凝精三眞廣延黃耀琳庭軒始昌陽甲土元卿
紫煙絳霞照朗高清役使百魔坐鎮十方中有元關布氣之眞
中有通靈合變之君中有考察開化大神中有伏邪滅祿丈人
中有九冥洞淵洞極載天持地皇老尊神共敷至教大道化身

道藏輯要

度人妙經

罕

元集三
川文

今日安鎮萬聖臨軒

東方无極保世神王長生大聖无量度人
南方无極滅祿神王長生大聖无量度人
西方无極辟邪神王長生大聖无量度人
北方无極伐惡神王長生大聖无量度人
東北无極旺德神王長生大聖无量度人
東南无極開道神王長生大聖无量度人
西南无極正氣神王長生大聖无量度人
西北无極成化神王長生大聖无量度人
上方无極上清神王長生大聖无量度人

下方无極風澤神王長生大聖无量度人

十方至真九壘神王長生度世无量大神並乘黃雲絳輿翠輦
黃蓋飛輪驂駕白虎玄鳳丹鸞建伏魔之節神錦龍旗前導耀
昌主帥後從虎口土龍獅子麒麟左右騰擲七聖啟途四明捧
轅億靈萬仙浮空而來泛氣太虛飛光景霄中元翼相靈紐右
宮玄滋上佐太陰尊神總領地真齊到帝前隨所安鎮永保无
傾普告九壘八極靈關混黃之闕蒼碧之庭三十六君化氣九
宮洞天曹局山澤川源五河八海雙光洞泉三玄四始一切神
靈收捕土祆殺伐邪精北都羅酆拘禁鬼營生民安泰國祚清
平死魂遷化白骨成人生身受度與氣長存因緣輪轉上升諸
道藏輯要

度人妙經

聖

九集三

三十一

天永斷地下一十五種害物土祆殄滅不祥肅清四冥四冥之
天天帝混成合道之境梵行

東方八天

黃中理玄天

帝流銖延孫

九壘神空天

帝閼康庸

極真耀和天

帝閼曲尚笏

生津布華漱靈天

帝祕景丕瓊

道昭厚化天

帝照無敵元

太沖德容天

帝靈梵度光

靜順順元天

帝抱由究非

祖生無咎天

帝唱息隱宮

南方八天

火壁赤墳天

帝念極住元

張冷流經天

帝握善愈揚

梵元度空天

帝靜朱勝龍

秀嬰委素天

帝燥羅童瞻

蟬亢妙光天

帝石冲亮夫

盤基微虛天

帝直紀敦時

陽隸曲池天

帝殿祺祐山

土府察獄天

帝育神祕樞

道藏輯要

度人妙經

聖

元集三

西方八天

孔升幽化天

帝晉益至迴

皇崖祖靈天

帝璫慶備修

幽古繁宣天

帝白元孔相

陸冥四存天

帝覺道屈純

洞江微許天

帝梵龍九阿

微生浩景天

帝催謁令存

離真樂常天

帝兆復素空

精纏次瑤天

帝結降特明

北方八天

太虛梵容照无天

帝甯輔郎須

太虛寶劫厚成天

帝祝恥都安

直明辨孚進志天

帝邊落時明

斗璣晃霄天

帝極化涂先

進神敷生天

帝蔚侑無升

翊皇總壘天

帝迪諒切

定懷察陰天

帝悲豫蒙思

貴利升遊達真天

帝无求太庸

三十二天三十二帝諸天隱諱諸天隱名天中空洞自然靈章

九壘隱韻土皇之音仙王之尊土皇之神九都大魔風澤之靈

道藏輯要

度人妙經

三

亢集三
川三

九纏十壘混化元根妙會之祖德難可稱羅布靈真總治神機

今日欣慶安鎮九壘斬斷土祆絕滅不祥升降道氣通運靈津

土水風界二十七重真王檢察統御神功東極納氣西極結精

北極合體南極成形中極上嶽盤鎮重冥青帝開機白帝握關

赤帝運軸黑帝導脉黃帝合和祆殄蕩息青界神王龍剛燿密

赤界神王炎華勵翼白界神王驍鋒電觸黑界神王含威冒育

黃界神王該持洞極五界大神厚地之宗遊行地境部制靈官

揮戈仗鉞總轄下司掌握綱紐體用之資造化生成並隸玄樞

上承天政開闢陰陽交和一德品物隆昌夔師攝毒虎將祛凶

威兵振奔麟獸騰驤飛光八垣抗禦十鄉敢有干逆拒遏真皇

金精啖食神獸吞傷殘割妖爽所誅无蠲羣魔束首萬鬼潛形
山川靜肅草木敷榮三光五老塞閉邪源不得容隱金馬驛傳
普告无窮萬化敷宣九壘皇君列奏上玄

虛无淪化開列乾坤元氣浩浩混沌之形輕清上浮堅濁下凝
劫數自然乘陽結陰真精間錯金剛鐵輪連構官府寓屬其間
內司眞宰協治靈仙分稟三玄建號土皇統括機鈕運度无窮
不容怪沴致害祇凶五方安鎮敷落眞文八會赤書玉字之章
保持災運地軸无傾梵氣彌羅萬範開張元剛流演九壘重陰
輪轉无色周回洞冥旋氣厯關迴度合明三十六宮總理下元
八景混合上入高玄玄中帝皇无上玉眞布衍太和黃一之靈

道藏輯要

度人妙經

卷

九集三
XXX

包羅海嶽灌養流形玉華聚質神景生煙五山鬱秀環拱萬天
上通下接升降自然中有眞神洞皇天君坤元聖母后土尊靈
甲土軒始輔正九官執符把籙保鎮地根遊行洞臺出入冥津
淵窮之境杳眇之中下鎮人身紫闕丹田中合五氣大混百神
十轉回靈萬氣齊仙仙道貴生死量度人下鎮九壘開化法輪
禍福教化命蒂因緣普受開度萬彙生全生道既昌下告幽玄
玄關之內各有生門中有元洞謠歌之章眞王靈篇辭參高眞

第一安鎮九壘空洞之音

元一結氣

混洞之中

下成形兮

盤礴冥空

地綱植根

內有靈眞

號曰土皇君

受位於帝宸

宮府三十六

經維統萬神

金石相纏固

機會總崑崙

虛涵溟渤津

風澤常彌綸

妙理宗靈寶

厚德堅無傾

勃化周大數

蛟龍俱負乘

正道順自然

祇姦何以興

二儀通至用

立合保黃甯

第二辟除土祇之章

元始洞章

靈妙結神

下統帝氣

檢攝羣真

勅命土皇

三十六君

稟承至用

開闢地關

九淵重壘

道藏輯要

度人妙經

聖

亢集三
川上

祇滯蠲消

冲德含和

融融霰參

運我正道

混合立標

精禍滅兮

品物逍遙

保制却災

永亨利貞

生靈樂兮

賴我高宸

科範宣布

絕滅凶姦

无窮无極

海嶽滄茫

衛養生成

流形化光

普世受度

功歸上主

第三卻滅不祥歌曰

九壘之下

冥冥洞關

綱維梵氣

混渺玄虛

中有眞皇

承化開方

持運至氣

條達陰陽

乖沴通釋

祛蕩不祥

无上玉文

散禍滅殃

地根綿邈

神精化騰

上陟崑邱

升降纏旋

神妙周流

萬寶清貞

人道安泰

福德相乘

國界靜肅

浩劫无淪

巍巍太上尊

部制神明宗

萬境合玄圖

生成保所同

此三界之上飛空之中眞王歌音音參洞章誦之百徧名度南
宮誦之千徧眞王保迎萬徧道備飛昇太空過度三界位登仙
公有聞靈音魔王敬形勅制地祇侍衛送迎拔出九壘五苦八

道藏輯要

度人妙經

異

亢集三
川文

難七祖升遷永離鬼官魂度朱陵受鍊更生是謂无量普度无
窮有祕上天交諸天共所崇泄慢墮地獄禍及七祖翁

道言此二章並是諸天上帝及九壘三十六宮土皇仙王隱祕
之音安鎮土祇不得刑犯方隅崇害民物皆是大梵之言非世
上常辭言无韻麗曲无華婉故謂玄奧難可尋詳上天所寶祕
於神霄玉清王府東寶元堂運遇壬辰應數下傳若有至人齋
金寶質心依舊格告盟玉立然後而付焉

道言夫地震山搖亦法氣運土陷坼裂亦由時厯九壘之大亦
有祲祥凡有此災至土皆當齊心修齋六時行香十徧轉經福
德立降保鎮不祥无量之文普度无窮

道言夫末學道淺或仙品未充運應滅度身經太陰還骸土宮鍊骨重壘戀土爲宅幽魂不悟臨過之時同學至人爲其行香誦經十過以度屍形如法土皇辟斥妖凶安鎮百神計日而得更生轉輪不惑使得神仙

道言夫天地之內天有九霄地有九壘一壘去天九十萬七千二百里九壘之下復去天一千二百一十八萬里則九壘上當崑崙在天之中正如卵內之黃混也土官有洞元之殿通陰之闕四十二曹其下則總爲地司以治罪魂復有三十六洞仙王以居地下一切神靈攝御三十六種土妖怪異害誣生人家宅不安水火爲禍皆當修齋行香誦經夫齋戒誦經功德甚重上消天災安鎮九壘土妖不祥下禳毒害以度兆民生死受賴其福難勝故曰无量普度天人

道藏輯要

度人妙經

卷

九集三

川文

道言凡有是經能爲天地帝主安鎮國土兆民辟卻禍殃有災之日發心修齋行香誦經十過皆諸天降真消滅不祥有別至人剋得爲聖君金闕之臣諸天記人功過毫分不失天中真魔亦保舉爾身得道者乃當洞明至言也

諸天中大梵隱語无量音 道君撰
元始靈書九壘妙篇

東方八天

杏洞蘭渚

演明機珠

耀璉

理丙玄舒 曰苴載精 圓奔海通

現祥留寂 央笳潔圖 律帝陽辭

求聞拯需 約瀟騎伸 並散窮符

濺積柯能 正伎逸甦 冲維泰蛭

熾度爛无

南方八天

赫延巨咖 龍羅景吠 蕩球送眞

祇伏屏異 羣苛厯盤 變枚遼治

謁濟橫博 亭微綿禧 衡計忌火

落蘭侯師 古洞无傑 命青祈茲

道藏輯要

度人妙經

咒

元集三

溢毒梁貝 範尹凝施 珎育衡定

固賓邈宜

西方八天

邊奚鬱卿 孟初浩泰 質徧枚涂

婁空止當 光展論符 救化度戒

和召總靈 察迅出辯 驚驚吕余

池名普觀 優拋木多 時萌正載

魁鎮壘塊 眞妙驛大 文戎寵渦

柳倩推界

北方八天

紫雲謁都

八景俱纏

閒羅蒙星

祝舉夷騫

叱張度宮

救曾路宣

傍嘿明徒

衣飛寥玄

漠題運沙

稠祈英堅

本漿極陽

泛席心佳

車勅放縛

鄰枯劫般

直戶邁同

司兵拱仙

道言此諸天中安鎮九壘大梵隱語无量之音舊文刊書王屋清虛小有洞天地官黃玉闕門之上以鎮九壘災氣土祇不祥字皆廣長一丈天真皇人昔書其文以爲正音有知其音能齋而誦之者諸天皆遣檢地神王下觀其身書其功勤上奏諸天

道藏輯要

度人妙經

卷

亢集三

萬神朝禮地祇侍門大勳真王保舉隱地道備剋得遊行三界升入金門此音无所不辟无所不禳无所不度无所不成天真自然之音也故誦之致諸天下觀上帝遙唱萬神朝禮三界侍軒羣祇束首鬼精自亡琳琅振響十方肅清河海靜默山嶽吞煙萬靈振伏招集羣仙天无氛穢地无祇塵冥慧洞清大量玄玄也